

**KJKP "VODOVOD I KANALIZACIJA" d.o.o. SARAJEVO**  
**DIREKTOR**  
**Izvod broj: 23/18**

Sarajevo, 28.12.2018 godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 23/18 od 14.12.2018. godine, u postupku javne nabavke br. 23/18 „**Poluteretna vozila – kamion kiper**“ donosi se :

**O D L U K A**  
o poništenju postupka javne nabavke

**Član 1.**

Poništava se postupak javne nabavke broj 23/18 za nabavku roba : „**Poluteretna vozila – kamion kiper**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

**Član 2.**

Ova odluka objavit će se na web stanici : [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : 23/18 od 23.05.2018.godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 960.000,00 KM.

Obavještenje o nabavci broj: 247-1-1-123-3-199/18 poslato je na objavljivanje na Portal javnih nabavki dana 25.05.2018.godine a sažetak obavještenja o nabavci objavljen je u Sl. glasniku BiH broj : 36. od 01.06.2018. godine.

Komisija za javnu nabavku imenovana je Rješenjem br. 18-12-01/17 od 18.12.2017 godine, Rješenjem o izmjeni Rješenja o imenovanju Komisije za javne nabavke br. 23-02-01/18 od 23.02.2018. godine i dopunskim Rješenjem članova komisije broj 23/18-1 od 23.05.2018.g.

Komisija za javnu nabavku dostavila je dana 20.12.2018.g. Preporuku o poništenju postupka javne nabavke roba : „**Poluteretna vozila – kamion kiper**“ tender broj 23/18.



Komisija za javnu nabavku je sačinila odgovarajuće zapisnike u kojima je utvrđeno sljedeće:

- Za predmetnu javnu nabavku dostavljene: 3 (tri) ponude ponuđača: „Euromodus“ d.o.o. Laktaši; „A.C.I.“ d.o.o. Sarajevo i Konzorcij : „SLT“ d.o.o. Zenica i „Mipex Auto RS“ d.o.o. Banja Luka.

- Da su blagovremeno zaprimljene: 3 (tri) ponude ponuđača: „Euromodus“ d.o.o. Laktaši; „A.C.I.“ d.o.o. Sarajevo i Konzorcij : „SLT“ d.o.o. Zenica i „Mipex Auto RS“ d.o.o. Banja Luka.

- Da nije bilo neblagovremeno zaprimljenih ponuda.

Ponude ponuđača „Euromodus“ d.o.o. Laktaši i Konzorcij : „SLT“ d.o.o. Zenica i „Mipex Auto RS“ d.o.o. Banja Luka su odbačene kao neprihvatljive iz sljedećih razloga:

- Ponuđač „Euromodus“ d.o.o. Laktaši prilikom pripreme ponude nije postupio u skladu sa zahtjevima iz tenderske dokumentacije koji se odnose na „Čvrsti uvez ponude“. Ponuda ovog ponuđača nije čvrsto uvezana odnosno ista nije osigurana jemstvenikom niti ukoričena u knjigu a što je zahtijevano tenderskom dokumentacijom.

- Ponuđač Konzorcij : „SLT“ d.o.o. Zenica i „Mipex Auto RS“ d.o.o. Banja Luka je u dostavljenim Izjavama iz člana 45. i 47. Zakona o javnim nabavkama, u dijelu „Mjesto i datum izdavanja izjave“ izvršio ispravke napisanog datuma ali izvršene ispravke nisu urađene u skladu sa zahtjevima koji su dati u okviru tačke 17.1 tenderske dokumentacije a odnose se na „Ispravke u ponudi“.

Ponuda ponuđača „A.C.I.“ d.o.o. Sarajevo je ocijenjena kao prihvatljiva, te je ista odabrana kao najpovoljnija u predmetnom postupku nabavke, broj ponude 35-I-2018/36-I-2018 od 16.07.2018. godine, vrijednost ponude : 959.598,40 KM bez PDV-a.

Dana 17.08.2018. godine putem pošte upućena je žalba ponuđača „SLT“ d.o.o. Zenica koga zastupa advokat Ostoja Kremenović iz Banja Luke (ista zaprimljena dana 20.08.2018. godine, putem protokola ugovornog organa broj 2898) na odluku o izboru najpovoljnijeg ponuđača broj 23/18 od 08.08.2018. godine.

Rješavajući po istaknutim žalbenim navodima, od strane ugovornog organa je donesena odluka izvod broj 23/18 od 24.08.2018.godine, kojom se žalba usvaja kao djelimično osnovana, poništava se odluka o izboru najpovoljnijeg ponuđača, te se komisiji za javne nabavke nalaže da obnovi postupak pregleda i ocjene ponude žalitelja.

Od strane ugovornog organa su kao osnovani ocijenjeni žalbeni navodi kojima žalitelj osporava prihvatljivost ponude ponuđača „A.C.I.“ d.o.o. Sarajevo iz razloga što nije dostavljen zahtijevani dokument iz člana 45. stav (2) tačka a) Zakona o javnim nabavkama.

Takođe su kao osnovani ocijenjeni i žalbeni navodi kojima je žalitelj osporavao neprihvatljivost svoje ponude iz razloga što je u dostavljenim izjavama iz člana 45. i 47. ZJN u ovjeri nadležnog organa naveden datum kada je podnosilac isprave istu svojeručno potpisao te se navedeni datum može uzeti kao mjerodavan datum davanja izjave.



Iz razloga što su ostali istaknuti žalbeni navodi ocijenjeni kao neosnovani, ugovorni organ je drugostepenom organu u postupku prosljedio izjašnjenje na neosnovane žalbene navode sa svom kompletnom dokumentacijom koja je u vezi sa ovim postupkom javne nabavke. Od strane Ureda za razmatranje žalbi je donesen Zaključak broj : JN2-01-07-1-496-6/18 od 13.09.2018. godine, kojim se obustavlja postupak po žalbi iz razloga što je žalitelj „SLT“ d.o.o. Zenica putem advokata Ostoje Kremenovića obavijestio da odustaje od žalbe pred ovim organom.

*Postupajući u skladu sa Odlukom ugovornog organa broj 23/18 od 24.08.2018. godine, kojom se komisiji za javne nabavke nalaže da obnovi postupak pregleda i ocjene ponude žalitelja, komisija je izvršila pregled i ocjenu ponude ponuđača Konzorcij : „SLT“ d.o.o. Zenica i „Mipex Auto RS“ d.o.o. Banja Luka i konstatovala sljedeće :*

Pregledom ponude ponuđača Konzorcij : „SLT“ d.o.o. Zenica i „Mipex Auto RS“ d.o.o. Banja Luka, komisija za javne nabavke je konstatovala da ista ispunjava zahtijevane tenderske uslove prema obliku (čvrsti uvez, numeracija i dr.) i potpunosti u smislu pripreme ponuda.

Nakon što je utvrdila da ponuda ponuđača Konzorcij : „SLT“ d.o.o. Zenica i „Mipex Auto RS“ d.o.o. Banja Luka zadovoljava uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

RB	Zahtjevana kvalifikaciona dokumentacija	Konzorcij : „SLT“ d.o.o. Zenica i „Mipex Auto RS“ d.o.o. Banja Luka
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama – Aneks IV; Prilog 3.	DA
2.	<b>Tačka: 14.1 TD:</b> Izjava o ispunjenosti uslova iz člana 47. stav (1) tačka a) i (4) Zakona o javnim nabavkama – Aneks V; Prilog 4.	DA
2.1	<b>Tačka: 14.1 TD:</b> Kopija potvrde banke o aktivnosti transakcijskog računa koja nije starija od tri mjeseca računajući od trenutka dostavljanja ponude	DA



RB	Zahtjevana kvalifikaciona dokumentacija	Konzorcij : „SLT“ d.o.o. Zenica i „Mipex Auto RS“ d.o.o. Banja Luka
3.	<p><b>Tačka: 14.2 TD:</b>            -Da ima uredno izvršena najmanje <u>dva ugovora</u>, čiji je predmet isti ili sličan predmetu nabavke u minimalnom iznosu 300.000,00 KM bez PDV-a, po ugovoru za period ne duži od 3 (tri) godine ili od datuma registracije, odnosno početka poslovanja, ako je ponuđač registrovan odnosno počeo sa radom prije manje od tri godine. Ponuđači su dužni <u>kumulativno ispuniti oba postavljena uslova</u>. Pod sličnim ugovorima se smatra isporučeni kamioni slične konfiguracije.</p> <p>U svrhu dokazivanja gore navedenog uslova neophodno je dostaviti :</p> <ul style="list-style-type: none"> <li>- Spisak izvršenih ugovora u skladu sa članom 48. stav 2. ZJN, koji je u vezi sa predmetom nabavke, za period ne duži od 3 (tri) godine ili od datuma registracije, odnosno početka poslovanja, ako je ponuđač registrovan odnosno počeo sa radom prije manje od tri godine, koji sačinjava sam ponuđač, na svom poslovnom papiru/memorandumu, i</li> <li>- Potvrda koju daje druga ugovorna strana o realizaciji ugovora. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takva potvrda osigura. Potvrda o uredno izvršenim ugovorima mora sadržavati sljedeće podatke:               <ul style="list-style-type: none"> <li>a) naziv i sjedište ugovornih strana ili privrednih subjekata,</li> <li>b) predmet ugovora,</li> <li>c) vrijednost ugovora,</li> <li>d) vrijeme i mjesto izvršenja ugovora,</li> <li>e) navode o uredno izvršenim ugovorima</li> </ul> </li> </ul>	<p>Iz dostavljene liste isporuka i dostavljenih potvrda konstatovano da nije ispunjen postavljeni tenderski uslov o urednom izvršenju najmanje dva ugovora u minimalnom iznosu 300.000,00 KM bez PDV-a po ugovoru</p>
4.	<p><b>Tačka 14.3 TD:</b>            Original ili ovjerena fotokopija Aktuelnog izvoda iz sudskog registra ovjerena od strane nadležnog organa - (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.</p>	<p>DA</p>

Pregledom ponude ponuđača Konzorcij : „SLT“ d.o.o. Zenica i „Mipex Auto RS“ d.o.o. Banja Luka, od strane stručnih lica za predmetnu nabavku konstatovano je da isti nije ispunio postavljeni kvalifikacioni uslov iz tačke 14.2 tenderske dokumentacije „Tehnička i profesionalna sposobnost“ i to : „*da ima uredno izvršena najmanje dva ugovora, čiji je predmet isti ili sličan predmetu nabavke u minimalnom iznosu 300.000,00 KM bez PDV-a, po ugovoru za period ne duži od 3 (tri) godine ili od datuma registracije, odnosno početka poslovanja, ako je ponuđač registrovan odnosno počeo sa radom prije manje od tri godine. Ponuđači su dužni kumulativno ispuniti oba postavljena uslova. Pod sličnim ugovorima se smatra isporučeni kamioni slične konfiguracije*“.

U svrhu dokazivanja navedenog tenderskog uslova, ponuđač : Konzorcij „SLT“ d.o.o. Zenica i „Mipex Auto RS“ d.o.o. Banja Luka je dostavio listu isporuka i dvije potvrde, iz kojih je vidljivo da je isti prema dostavljenoj potvrdi 1/05-548-1/17 od 14.03.2017. godine izdate od JP Šume Republike Srpske a.d. Sokolac uredno izvršio ugovor u iznosu 218.778,30 KM, a prema dostavljenoj potvrdi 12-1147EZ-063/18 od 10.04.2018 izdate od Vlade Brčko Distrikt BiH uredno izvršio ugovor u iznosu 224.800,00 KM.



Navedeni ponuđač nije dostavio tražene dokaze o urednom izvršenju dva ugovora u minimalnom iznosu od **300.000,00 KM po ugovoru**, te time nije dokazao da ispunjava postavljene kvalifikacioni uslov iz tehničke i profesionalne sposobnosti.

Na osnovu navedenog, Komisija za javne nabavke konstatuje da ponuđač : Konzorcij „SLT“ d.o.o. Zenica i „Mipex Auto RS“ d.o.o. Banja Luka ne ispunjava kvalifikacione uslove tražene tačkom 14.2 tenderske dokumentacije, te se ponuda ovog ponuđača odbacuje kao neprihvatljiva a sve u skladu sa članom 68. stav (4) pod i) Zakona o javnim nabavkama.

Obzirom da je prilikom rješavanja žalbenih navoda ponuđača „SLT“ d.o.o. Zenica utvrđeno da ponuđač „A.C.I.“ d.o.o. Sarajevo nije postupio u skladu sa tačkom 13. tenderske dokumentacije i nije dostavio zahtijevani dokument iz člana 45. stav (2) tačka a) Zakona o javnim nabavkama, time isti nije dokazao činjenice navedene u Izjavi iz člana 45. ZJN, to je ponuda ovog ponuđača odbačena kao neprihvatljiva, dok je ponuda ponuđača „Euromodus“ d.o.o. Laktaši odbačena kao neprihvatljiva zbog neispunjavanja postavljenih tenderskih uslova prema obliku i potpunosti u smislu pripreme ponude (uvezivanje u čvrsti uvez).

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

#### **Pouka o pravnom lijeku:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- a/a



**Direktor**

*Azra Muzur*  
Azra Muzur, dipl.inž.grad.

*h-  
Muzur!*